

Här Mars Di Bartolomeo
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 3. November 2017

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Staatsminister, un den Här Wunnengsbauminister an un den Här Minister fir Aarbecht a solidaresch Ekonomie weiderzeleeden.

An engem oppene Bréif beklot d'Associatioun „Trisomie 21“ déi „desastréis Situatioun“ mat där Leit mat geeschtege Behënnerunge konfrontéiert sinn. Esou gëtt et laang Waardelëschten, fir kënnen eng Wunneng ze bezéien, déi op d'Bedierfnesser vun dese Leit aginn: Weider besteet e grouse Besoin u Plazen an de geschützten Atelieren, wou dës Leit kënnen eng Aarbecht fannen.

Esouwuel d'Wunnenge wéi déi geschützten Ateliere gi vum Staat subventionéiert, esou datt hei d'Regierung ganz direkt mat an der Verantwortung steet.

Dowéinst wollt ech deenen Häre Ministeren dës Froe stellen:

- 1) Wéi vill Wunnengen, déi fir Leit mat enger geeschteger Behënnerung ageriicht sinn an deemtpréichend betreit ginn, stinn zu Lëtzebuerg zur Verfügung? Wéi héich sinn hei d'Besoinen? Wéi eng konkret Moossname si virgesinn, fir d'Offer der Demande unzepassen, an a wéi engem Delai?
- 2) Wéi vill Aarbechtsplaze fir Leit mat enger geeschteger Behënnerung stinn aktuell zur Verfügung an de sougenannten „Ateliers protégés“, a staatlechen a para-staatlechen Administratiounen oder a privaten Entreprises?
- 3) Wéi vill Aarbechtsplaze misste fir déi betraffe Leit zur Verfügung stoen, fir datt all déi, déi wëlle schaffe goen, dëst och kéinte maachen?
- 4) Wéi eng konkret Moossname si virgesinn, fir d'Offer der Demande un esou Aarbechtsplazen unzepassen, an a wéi engem Delai? Ass dobäi och virgesinn, esou Leit a staatlech Verwaltungen opzehuelen, a privat Entreprises ze encouragéieren och Leit mat enger geeschteger Behënnerung ze engagéieren?

Mat déiwem Respekt



Fernand Kartheiser

Deputéierten



LE GOUVERNEMENT
DU GRAND-DUCHÉ DE LUXEMBOURG
Ministère d'État

CHAMBRE DES DÉPUTÉS

Entrée le:

06 DEC. 2017

Monsieur
Fernand ETGEN
Ministre aux Relations avec le Parlement
LUXEMBOURG

Luxembourg, le 06 DEC. 2017

Objet : Réponse commune de Monsieur le Premier ministre, ministre d'État, Monsieur le Ministre du Logement, Monsieur le Ministre du Travail, de l'Emploi et de l'Economie sociale et solidaire et Madame le Ministre de la Famille et de l'Intégration à la question parlementaire N°3429 déposée par l'honorable Député Monsieur Fernand KARTHEISER concernant le Logement et travail pour personnes handicapées.

Monsieur le Ministre,

J'ai l'honneur de vous faire parvenir en annexe la réponse à la question parlementaire n° 3429 du 3 novembre 2017 de Monsieur le Député Fernand KARTHEISER.

Veillez agréer, Monsieur le Ministre, l'expression de ma haute considération.

Le Premier ministre



Ministre d'État

Réponse commune de Monsieur le Premier ministre, ministre d'État, Monsieur le Ministre du Logement, Monsieur le Ministre du Travail, de l'Emploi et de l'Economie sociale et solidaire et Madame le Ministre de la Famille et de l'Intégration à la question parlementaire N°3429 déposée par l'honorable Député Monsieur Fernand KARTHEISER

Äntwert op Fro Nummer 1 :

De Moment ginn et zu Lëtzebuerg 402 Better a sougenannten « Foyers d'hébergement » wou eng Betreuung 24 Stonnen op 24 ugebuede gëtt fir Leit mat enger geeschteger Behënnerung. An dese Foyer'en stinn och 35 temporär Better zur Verfügung fir d'Familien zäitweilig ze entlaaschten.

Do dernieft ginn et och nach 55 semi-autonom Wunnenge fir geeschteg behënnert Leit déi am Dag schaffe ginn a just e puer Stonnen Betreuung brauchen.

D' Waardelëschte vun deene verschiddene Gestionnairen am Beräich Handicap mental weisen de Moment e Besoin vun 217 Leit aus fir an e foyer d'hébergement. Dovu sinn 48 Demanden als urgent deklariert, d.h. Leit déi an engem Delai vun 1-2 Joer missten ënnerdaach kommen, an 169 preventiv Demanden.

D'Waardelëschte fir a semi-autonom Wunnenge weisen eng Demande vu 27 Persounen aus, dovu sinn 9 preventiv Demanden an 18 urgent Demanden.

Fir autonom Wunnenge belafen dës Chifferen sech op 32 Demanden, dovun 22 preventiver an 10 urgenter. Fir d'Betreiung vu Leit mat geeschtegem Handicap déi autonom wunnen huet de Familljeministère an de leschte Joren ëmmer méi Services d'assistance à domicile konventionéiert.

Et ginn de Moment eng Rei vu Bauprojet'en déi op der Lee sti fir Foyer'en a Wunnenge ze bauen fir Leit mat geeschteger Behënnerung.

Et sinn am ganzen 165 zousätzlech Plaze virgesinn, dovu sinn 135 Plazen a Foyers d'hébergement an 30 semi-autonom Wunnenge fir 1-2 Leit (an och fir Koppele mat Kanner) virgesinn.

Dëst sinn d'Projet'en déi virgesi sinn am Zäitraum 2018-2022.

Äntwert op Fro Nummer 2 an 3 :

Laut Statistik vum Juli 2017 stinn an de konventionéierten Ateliers Protégés 918 Plazen zur Verfügung fir Persounen mat engem geeschtegen Handicap, an dovu sinn der 864 besat, dat heescht et si 54 Plaze fräi.

40 Leit sinn an de leschte Joren aus den Atelier'en op den 1. Aarbechtsmaart orientéiert ginn. Et sinn 254 Leit op de Waardelëschten.

Et ginn de Moment Projet'en fir 391 zousätzlech Plazen ze schafen, dovu sinn der 291 fir geeschteg behënnert Leit.

Fir méi detailléiert Statistiken ze kréien iwwer d'Entwécklung vun den Zuele vu Leit mat enger geeschteger Behënnung an hir Integratioun an d'Aarbechtswelt (an den Ateliers protégés mee och a staatlechen, para-staatlechen Administratiounen sou wei a privaten Entreprises) huet d'Regierung en Projet lancéiert fir dat bestoend Zuelematerial ze sammelen. Duerch des Initiativ wäert et da méiglech si besser Analysen ze maache wat déi zukünfteg Demanden an Offeren ugeet.

Eng enk Koordinatioun tëschent deene verschiddene Ministèren déi sech mam geeschtegen Handicap befaasse wäert et och weiderhin erlaben en kohärenten Encadrement fir des Leit ze garantéieren.

Äntwert op Fro Nummer 4 :

D'Regierung respektéiert hir Engagementer a punkto Rekrutement vun Agenten, déi de Statut vum salarié handicapé hunn. Si hält sech un den Artikel L.562-3 vum Code du Travail dee virgesäit, datt 5% vun den Effektiver vum Staat solle Leit mat Behënnertestatut sinn.

Fir dëser Verflichtung gerecht ze gi schafft d'Regierung all Joer 50 nei definitiv Posten déi deene verschiddene Ministèren, Administratiounen a Servicer zur Verfügung stinn. Dës Poste ginn an Zesummenaarbecht mat der ADEM un d'Leit attribuéiert. Dobäi gëtt souwuel der Formatioun vun de Leit, wéi hirem Handicap an hire Contre-Indikatiounen, wéi och der Aktivitéit, déi proposéiert gëtt, Rechnung gedroen.

Zanter 2003 sinn d'Poste folgendermoossen accordéiert ginn:

Année	Heures	ETP accordés
2003	2.000	50.0
2004	2.000	50.0
2005	2.000	50.0
2006	1.440	36.0
2007	1.800	45.0
2008	2.000	50.0
2009	2.000	50.0
2010	2.000	50.0
2011	1.680	42.0
2012	1.840	46.0
2013	1.280	32.0
2014	1.740	43.5
2015	1.412	35.3
2016	2.075	51.9
2017 (au 30.11.17)	3.106	77.7

D'Regierung wäert och an Zukunft hir Efforten op dësem Gebitt weiderféieren.

D'Regierung ënnerhëlt och Schrëtt fir d'privat Entreprises ze encouragéieren och Leit mat enger geeschteger Behënnerung ze engagéieren. De Service Employeur vun der ADEM huet zwou Aarbechtspsychologinnen déi sech spezifesch fir d'(Ré)insertioun vu Leit mat engem Handicap këmmen. Doniewent wäert en Gesetzesprojet an deenen nächste Wochen op den Instanzeweeg fir eng "Assistance à l'inclusion dans l'emploi" anzeféieren. Déi Funktioun soll vun enger speziell forméierter an agréierter Persoun iwwerholl ginn, déi eng Persoun mat engem Handicap an d'Aarbechtswelt begleede soll, a gegebenenfalls Hürden ofbaue soll um Wee an d'Aarbechtswelt mee och op der Aarbecht, zesumme mat dem Employeur a mat de Mataarbechter am Betrib.